

150.271
1-24

卷之二

疆	沿	縣	縣	凡
域	華	署	城	例
建	天	圖	圖	興
置	文	八	學	圖
		景	宮	
		圖	圖	

南石縣志

乾隆拾壹年纂修

南召縣志序



漢有蕭相國從高帝入關金玉
財賄無所取獨詣丞相御史
府收律令圖書藏之於是天下
要害民間疾苦朝廟饗祀之儀

序

戶口錢穀之數如在掌握中厥
後分郡縣定賦稅起朝儀造律
令悉於是乎托藍本焉此之謂
急先務此之謂識治體郡之屬
邑十三夙號文獻之邦入官府

宮室故方策班班秩如也南召
何獨不然况雄山莽水沃土奔
沙鹿鳴鴉路漢帝遺踪鐵嶺銀
砂將軍戰壘他如烈士爭名貞
姑全節以及騷人客子之風華

序

二

元老宿儒之備畧分類輯來自
爾光怪奪目色色爭奇猗歟休
哉亦南國一大觀也然而斷碣
摧殘漸失本來面目遺文剥落
幾尋當日風流嗟乎誰秉色成

而忍令其沉淪寂寞一至此也
或曰召邑分合不常捧檄而來
者幾如過客之宿逆旅舊者無
可因新者不暇創典冊闕如亦
時勢使然也雖然天下事不有

序

三

創何有因古有可監則監古古
無可監則又不可自我作古
以爲後人監昔之人有搜之壁
間掘之壟中續殘補缺而成書
者憚於作始徒以簡略罪前人

誼之過歟江右陳君來署召篆
甫下車百務未遑卽慨然曰文
獻未備不可以爲治爰採文人
之筆墨父老之傳述樵牧之歌
謠更搜前令紀君原著數十冊

序

四



編其次第而手訂之分爲四卷
綱舉目張洪纖畢該於是百里
疆索在指顧間矣昔沈休文著
宋書一百卷裴子野刪爲宋略
二卷而言宋史者轉以裴略爲

後重其成也故吾於召志不多
紀君之草創而多陳君之纂定
亦重乎其成者而已後之君子
倘有識治體急先務者收而藏
之以爲藍本於以潤色鴻猷黼
序
黻太平必有可觀者而陳君亦
於是乎不朽矣是爲序

晉

乾隆拾壹年歲次丙寅孟秋之
月吉日知南陽府事錢塘任

應烈撰



六

六

Vertical text on the left side of the page, likely bleed-through from the reverse side. The characters are difficult to decipher due to fading and ink bleed-through.

南召縣志序

事之畧者從畧洎其人畧者
漸詳因其詳斯詳之後有作
者踵事而增無難焉易之爲
書始於羲聖畫文周孔述演
之而後彖爻十義之義備惟

序

七

史亦然尙書紀言簡而奧春
秋編年月義例較詳史漢而
下浩瀚斯至矣此猶上古結
繩蒼帝制文字爲鳥跡爲蟲
形後乃神明化裁至於不可
爲方物也南南召遠者無可稽

春秋屬楚戰國屬韓秦置南陽郡爲雒漢爲雒城南北朝爲雒陽郡置向城縣隋開皇改消陽郡武川縣以南爲向城唐置滑州宋金元皆省入南陽縣前明成化間肇立縣

教養生息三百年事當不勝書而末造兵燹文獻不得而徵焉我

國家定鼎之初聞邑令紀君華西輯邑文爲邑志煩訪之慇慇適明經褚方昌留心採舊

志上下二卷四十五版而止
爾惟是

國運方隆山陬靡弗聞風向化
上憲謂之合可省順治拾陸
年奏請歸併兩陽縣至雍正
之伍年招集愈衆又念五方

序

九

雜處恐有姦宄草竊擾我嘉
師者爰命分府分治之旣又
以爲分府分尊不若縣令於
民親也拾貳年復設縣官職
而南召又別爲縣矣夫以區
區一邑分而合合而又分

國家計安元元之意至悉也令
斯邑而因陋就簡問疆域不
詳問賦役不詳問山川風俗
人物盛衰又不詳謂爲前之
述者未備與前者又何所述
焉茲丙寅前三月煇來署召

十

篆入其境山峙水繞觀草木
之叢襍則念吾民林林總總
秀頑區以別也聽流聲之潺
浚則念吾民遷徙就業望仁
如水就下也時或雲湧四壁
則又念爲

霖雨時或鳥歌上下則又念
物各得所勿使哀鳴嗷嗷也
已廼搜前志按圖披籍於凡
土地人民之多寡及其政治
之得失固已瞭然如指諸掌
惜猶缺而未完者如山川之

發源分派歸結志或可載可
勿載而風俗一項實爲政治
轉移一大機修史者胡得而
闕諸他如貢賦有裁革有加
增宜加詳秩官有著績有超
擢宜加詳而人物項內忠烈

孝行頗甚宦家若名宦若鄉
賢若人瑞若善行若義士若
隱逸若流寓以及方技仙釋
等皆無錄貞節名媛各宜分
列又不得漫附列士項下也
災祥紀天人感應之義志亦

未載藝文覘文教興廢匪僅
風雲月露逞巧鬪靡而已而
志之存者八記於體爲未備
且又多可淘汰不得一槩而
錄焉爰集人士共商採輯成
書以脩

國史之裁擇且亦匪獨於此也

煩

自攝篆來喜與士民共獎

勵而是書之成與利剔弊煩

愈知所藉手矧夫善善欲長

微者顯隱者彰書曰表厥良

率其或不良煩之志抑亦仰

序

體

各憲風勵之志也詎曰山僻

不可與徧德哉若夫登高宜

賦臨流宜詠眼前有景闕於

簿書餘暇畧加點綴用以紀

一邑之勝槩固與閉門覓句

對客揮毫者殊也東周鄉薦
曹萬如南行過召境曩與輯
羣志共研討今又從而同訂
焉稿旣成較前志蓋增十之
七敢謂召乘披羅無遺與規
模旣脩後有同志將以是爲

邑史之嚆矢爾是爲序

乾隆十一年閏三月下浣署
南召縣事臨川陳之煥撰



三之有志猶因之有史也其間人民社稷山川形勝
與夫選舉之變遷先賢之懿行無不脩紀焉所以爲
經政者示勸懲也豈僅脩觀省已哉南召雒城古址
也歷代以來未列郡邑自明成化年間始分南陽之
一支而爲縣層嶂疊巒環圍拱翠山川之勝甲乎中
州猗與盛哉自流寇焚掠人民死徙一望寒烟衰草
觸景凄然撫今追昔感慨係之矣戊戌春二月恭膺
南召縣志
卷之一
原序
五

聞命來蒞茲土目擊殘區水蘄日矢惟恐不勝厥任無以
謝當世而報
王知卽欲求召志置案頭明利弊鑒興除况奉
憲諭敢不多方搜採纂集成編以仰答徵文考獻之至
意迺故蹟旣湮傳聞亦失詢之一二野老率皆不識

書不識字荒畧無據之談謹擇事之可考與夫理之
可信者筆之以脩叅稽其餘不雅馴縉紳先生難言
之槩不敢載以啟後人惶惑之端也是爲序

順治戊戌秋七月南召縣知縣沈中興謹識

南召縣志

卷之一

天

